

Na osnovu člana 16. i 61. stav (2) Zakona o upravi („Službeni glasnik BiH“, broj 32/02 i 102/09), člana 14. stav (1) Zakona o zrakoplovstvu BiH („Službeni glasnik BiH“, broj 39/09), u vezi člana 13. stav (1) tačka c) i d) Zakona o zrakoplovstvu BiH, generalni direktor Direkcije za civilno zrakoplovstvo Bosne i Hercegovine donosi

O D L U K U

O VISINI NAKNADE KOJU PLAĆAJU OPERATORI ZRAKOPLOVA PO PREVEZENOM PUTNIKU U ODLASKU I VISINI NAKNADE KOJU PLAĆAJU OPERATORI ZRAKOPLOVA PO TONI PREVEZENE ROBE/TERETA U ODLASKU SA AERODROMA U BiH

Član 1.

(Predmet Odluke)

- (1) Ovom odlukom utvrđuju se visine naknada koje plaćaju:
- a) operatori zrakoplova (pravna ili fizička osoba koja upravlja ili namjerava upravljati jednim ili većim brojem zrakoplova) po prevezenom putniku u odlasku sa aerodroma u BiH;
 - b) operatori zrakoplova po toni prevezene robe/tereta u odlasku sa aerodroma u BiH.
- (2) Naknade iz stava (1) ovoga člana služe kao finansijska sredstva za adekvatno ispunjavanje nadležnosti (BHDCa) u oblasti civilnog zrakoplovstva, i to za:
- a) zapošljavanje dovoljnog broja kvalificiranog i iskusnog zrakoplovno-stručnog kadra, neophodnog za izvršavanje nadležnosti BHDCa u visini do 25% prihodovanih sredstava;
 - b) specijalističko osposobljavanje zrakoplovog osoblja BHDCa u visini do 25% prihodovanih sredstava;
 - c) stipendiranje studenata iz Bosne i Hercegovine sa fakulteta saobraćajnog, mašinskog i informatičkog smjera vezano za projekte iz zrakoplovne oblasti, čiju saglasnost će davati Vijeće ministara Bosne i Hercegovine u visini do 15% prihodovanih sredstava;
 - d) tehničko osposobljavanje BHDCa – kapitalna ulaganja u visini do 32% prihodovanih sredstava;
 - e) plaćanje naknade operatorima aerodroma za prikupljanje podataka o prevezenim putnicima /robi/teretu u odlasku sa aerodroma iz Bosne i Hercegovine u visini do 3% prihodovanih sredstava.

Član 2.

(Naknada po prevezenom putniku)

- (1) Zračni operatori obavezni su BHDCa uplatiti naknadu u iznosu od 3 KM po prevezenom putniku u odlasku sa aerodroma iz BiH.
- (2) Izuzetno od odredbe stava (1) ovoga člana, naknada se ne plaća za:
- a) tranzitne putnike i putnike u transferu,
 - b) putnike sa besplatnim kartama i beneficiranim kartama sa oznakom ID 00 i ID 90,
 - c) djecu do 2 godine (INF),
 - d) putnike na letovima sa vojnim pozivnim znakom,
 - e) putnike na državnim letovima, i
 - f) putnike na letovima koji su registrirani kao prijevoz za sopstvene potrebe.

Član 3.

(Naknada po prevezenoj toni robe)

(1) Zračni operatori obavezni su BHDCA uplatiti naknadu u iznosu od 40 KM po toni prevezene robe/tereta u redovnom i povremenom (charter) zračnom prijevozu u odlasku sa aerodroma iz BiH.

(2) Izuzetno od odredbe stava (1) ovoga člana, naknada se ne plaća za:

- a) tranzitne pošiljke robe/tereta, i
- b) pošiljke robe/tereta oslobođene od plaćanja usluga prijevoza.

Član 4.

(Podaci o prevezenim putnicima/robi/teretu u odlasku sa aerodroma iz BiH)

(1) Operator aerodroma, koji posjeduje potvrdu za obavljanje međunarodnog prometa, dužan je BHDCA dostaviti mjesečni izvještaj o prevezenim putnicima/robi/teretu u redovnom i povremenom zračnom prijevozu u odlasku sa aerodroma po svakom pojedinačnom zračnom operateru koji obavlja promet preko tog aerodroma, na način da se odvojeno moraju prikazati podaci o prijevozu putnika od podataka o prijevozu robe/tereta.

(2) Izvještaj iz stava (1) ovog člana mora sadržavati prikaz prevezenih putnika, odnosno, robe/tereta u odlasku, po kategorijama:

a) putnici u odlasku sa aerodroma:

- 1) broj putnika sa početnim polaskom sa aerodroma,
- 2) broj putnika u transferu,
- 3) broj putnika u tranzitu,
- 4) broj putnika sa besplatnim kartama i beneficiranim kartama sa oznakom ID 00 i ID 90,
- 5) djeca do 2 godine (INF).

b) roba/teret u odlasku sa aerodroma:

- 1) tona prevezene robe/tereta sa polaskom sa aerodroma,
- 2) tona prevezene robe/tereta u transferu,
- 3) tona prevezene robe/tereta u tranzitu,
- 4) tona prevezene robe/tereta oslobođene od plaćanja usluga prijevoza.

(3) Izvještaj iz stava (1) ovoga člana, potpisan od strane odgovorne osobe operatora aerodroma, za obračunski period koji obuhvata kalendarski mjesec, operator aerodroma dužan je dostaviti BHDCA najkasnije u roku od 7 dana od dana isteka obračunskog perioda.

(4) Sadržaj i izgled obrasca izvještaja iz stava (1) ovoga člana, kao i uputstvo za njegovo popunjavanje i dostavljanje, naknadno će utvrditi BHDCA i biće dostupni na Web stranici BHDCA (www.bhdca.gov.ba).

Član 5.

(Fakturisanje naknada)

Na osnovu izvještaja iz člana 4. stav (1) ove odluke, BHDCA ispostavlja račune zračnim operatorima, s rokom plaćanja od 30 dana od dana ispostavljanja računa.

Član 6.
(Uplata naknada)

Na osnovu ispostavljenog računa od strane BHDCA, zračni operatori naknade propisane odredbama ove odluke uplaćuju na račun BHDCA, prema posebnoj instrukciji koju će sačiniti BHDCA.

Član 7.
(Neplaćanje naknada)

(1) U slučaju neplaćanja dospjelih naknada od strane zračnih operatora, BHDCA zadržava sva prava da svoje dospjelo, a nenaplaćeno potraživanje, naplati sudskim putem u skladu sa važećim propisima, i da poduzme i odgovarajuće mjere propisane Zakonom o zrakoplovstvu BiH.

(2) U slučaju zakašnjelog plaćanja naknada iz stava (1) ovog člana, BHDCA će obračunati zakonsku zateznu kamatu za svaki dan kašnjenja u plaćanju, po stopi koja je propisana zakonskim propisima koji su na snazi u Bosni i Hercegovini.

Član 8.
(Završne odredbe)

(1) Odluka stupa na snagu osmog dana od dana objavljivanja u "Službenom glasniku BiH", a primjenjuje se nakon 15 dana od dana objave ove odluke u zrakoplovnim publikacijama BiH (AIP).

(2) Stupanjem na snagu ove odluke prestaje da važi Odluka o visini naknada koju plaćaju operatori zrakoplova po prevezenom putniku u odlasku i visini naknade koju plaćaju operatori zrakoplova po toni prevezene robe/tereta u odlasku sa aerodroma u BiH, objavljena u "Službenom glasniku BiH", broj 04/12 od 10.01.2012. godine.

Broj: 1-4-02-538-1/15
Banja Luka, 25.06.2015. godine

Generalni direktor
Đorđe Ratkovića, s.r.